

AGENDRE TRINITATIS

MINGGU 15 SEPTEMBER 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 1**

1. HALELUYA KHÖ YEHOWA

do = f 4/4

MM = 96 – 104

1. Haleluya khö Yehowa, wa ' omuso dödögu.
 Suno Ia si lö aetu, khö-Nia wanunögu.
 Sagötö fa ' aurigu, lö ubato wanuno.
2. Ya' ahowu dozi niha, samati khö Yehowa.
 Sanötöna fangorifi, ba döi Yesu So' aya.
 Saro tödö ba da' ö, fa' auri dötönafo.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 237

237. URONGO LIU YESU 1

do = d 3/4

MM = 76 - 88

1. Urongo li-U Yesu si möi fogao-nigu.
Ená u ' ondrasi röfa wangefa horögu.
Möi ndra' odo khö-U So ' aya Yesu.
Do-Mö ni ' amoni ' ö zangehao tödögu.
2. He na tebai ndra' o Öbè wa' abölö.
Ba no Öheta horögu bohou wa' aurigu.
Reff: Möi ndra' odo khö-U So' aya Yesu

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 15:1-6**

1. Me luo da'ö lalau zinunö andre Moze ba Iraono Gizeraëli, wanuno Yehowa, lamane wanunö: "Da'usuno Yehowa, me no salaw~a sebua ia; kudo ba si fakudo yaw~a, ba no ituli'ö ba nasi.
2. Fa'abölögu Yehowa ba fanunögu, me no sangorifi ya'odo ia; Lowalangigu ia, andrö usuno ia — Lowalangi namagu andrö, u'ebua'ö duriania.
3. Sabölö ba wanuwo Yehowa andrö; Yehowa döinia.
4. Kureta andrö khö Wara'o ba sabölö andrö khönia, ba no ituli'ö ba nasi, ba nitutuyu andrö, si fasöndra moroi ba gureta yaw~a, ba no alömö ba nasi zukhu.
5. No ibalugö ira namö nasi; ba dawuyu ahöndrö ira, hulö gara.
6. Si so lakhömi dangau kambölö, ya'ugö, Yehowa, ba wa'abölönia andrö. Tangau kambölö andrö, ya'ugö, Yehowa, ba irasa nemali.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrondrongo daroma Li Lowalangi, tehalö moroi ba zura **Luka 9:22-27**
- 22. Imane: Lõ tola lõ oya itaha famakao Ono Niha, ba latibo'ö ia dania satua mbanua andrö ba ere sebua ba sangila amakhoita andrö, ba labunu ia, ba tõlu ngaluo, ba tesusugi ia.**
- 23. Ba imane khõra fefu: Na so zedõna molo'ö ya'o, ba yamu'ositengagõ ia, yamulu'i rõfania, ero maõkhõ, ba yamu'o'ö ndra'o.**
- 24. Ha niha sa zedõna manganau'ö nosonia, khõnia aetu dania; ba ha niha zaetu noso, na bõrõ ndra'o, da'ö zanganau'ö ya'ia.**
- 25. Hadia sa guna ba niha, na isõndra harenia fefu hadia ia zi so ba guli danö, ba na ya'ia zi taya, na te'ala ia ba khõnia?**
- 26. Ha niha sa zaila ba khõgu andre ba ba daroma ligu andrö, da'ö göi zaila dania Nono Niha, na so ia, na so khõnia lakhõminia, awõ lakhõmi Nama, awõ lakhõmi mala'ika ni'amoni'ö andrö.**
- 27. Ba si ndrühundruhu niwa'õgu khõmi: So õsa ba zi so ba da'e, si lõ mangila fa'amate, irege no la'ila mbanua Lowalangi andrö.**

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasömbata sanandrosa ba Komisi Perempuan. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhõmi Ya'odo, ba zi lõ sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 286**

286. NO AHATÖ YESU KHÖDA

Lala : Faigi Tödö Zangorifi (No. 93)

do = es 4/4

MM = 88 - 96

1. No ahatö Yesu khöda, ba ahono dödöda.
Lõ fa ' ogömi dödöda, he ahatö wangala.
Yesu zanolo ya ' ita, sohagaini tödöda.
2. Tödöda ba fa' aurida, ba fefu zi so khöda.
Da talulu khö Zo' aya, tabè sumange-Nia
Ya si terou tödö ita, ba wolo' ö li-Nia.
3. Fatörö manö ndra' aga Ya' ugö gubaloma.

- Bè ba dödöma Geheha, aro' ö wamatima.
Ena' ö tola makhamö naha so' ahonoa.
4. Lö manö aombö dödöma, wamatörö Zo' aya.
Me oi sökhi lualua he na oya gakaola.
Tologa ba abölö' ö ba böi tehe te' ala.
5. Da ma' andrö khö-U, So' aya, amoni' ö dödöma.
Bè mofozu halöwöma, ya möi sumange Nama.
Afu oi dozi matema, wa' auri si lö taya.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya' e zumange fasömbata, ma' ohe sumange Yehowa.

Iramatua

- Reff* :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasmösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavvamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- Koor Jemaat
 - Kegiata Komisi Perempuan (Koor/Vokal Grup)
 - Kegiata sektor 1 (Koor/Vokal Grup)
 - Kegiatan Koremda
 -

9. MANUNÖ

- SA :** Da tafa'anö dödöda wamondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.
Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.
Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Sinunö / Mazmur 116:1-9 (Tuho Migu :No Sisökhö Nifalua Yehowa Khöu / Tuhan Telah Berbuat Baik Kepadamu)*
 - Fanuriaigö
 - Nitanö ba dödö. *Sinunö / Mazmur 116:5 (Sebua tödö Yehowa ba satulö, ba sahakhö tödö Lowalangida. / Tuhan adalah pengasih dan adil, Allah kita penyayang.)*
 - Fangandrö Fanga'aro'ö huhuo
- SATO** : Manunö : BZ. Numero 154 : 1

154. NO MAFONDRONDRONGO LIU ²

- No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

- 13. SA** : Da tafondrondrongo gangombakhata:.....

14. MANUNÖ

- SA** : Manunö ita moroi ba Mbuku Zinunö **numero: 329 ayati 1-2**

329. HE SO' AYA, BÖI RÖIGA

Lala : He Haga ba Zorugo (No. 339)

do = d 4/4

MM = 96 - 104

- He So ' aya, böi röiga, wanörö lala wamati.
Afu lö faröiga khö-U böi so zaetu fa ' omasi.
Abölö ' ö ndra ' aga, Eheha.
- Wa' oya zi lö sökhi salua ba gulidanö.
Wa' ato zi no faröi me no so wa' aombö dödö
A' aro' ö dödöma, So' aya.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 329 ayati 3

329. HE SO' AYA, BÖI RÖIGA

Lala : He Haga ba Zorugo (No. 339)

do = d 4/4

MM = 96 - 104

3. Börö gisö' isöma, sondrörö era' erama.

Wa elungu dödöma, wamalua somasiga.

Hede khöma So' aya tenawa.

SH : YA'AHOWU

SATO : YA'AHOWU